

"PREMIO AO MELLOR LIBRO"
"PREMIO AO MELLOR GUIÓN"
23^º SALÓN INTERNACIONAL
DA BANDA DESEÑADA DE BARCELONA
Xuño 2005

Miguelanxo Prado

A mansión dos Pampín



proxecto terra Galicia
COLEXIO OFICIAL DE ARQUITECTOS DE GALICIA C. O. A. G.



A herdanza dunha casa na aldea levará á familia Pampín a entrar en contacto con notarios, construtores, veciños, alcaldes... nunha sucesión de situacións tan absurdas coma reais.

Miguelanxo Prado

A mansión dos Pampín



Esta banda deseñada forma parte dos materiais do PROXECTOTERRA, un proxecto de intervención educativa do Colexio Oficial de Arquitectos de Galicia dirixido ás distintas etapas da Educación Obrigatoria co ánimo de contribuir a mellorar o coñecemento que a cidadanía debe ter da nosa arquitectura e da nosa identidade territorial. Nela, aproveitando a súa síntese narrativa de imaxes e textos, introdúcense os elementos escenográficos e argumentais cos que poder entrar nun diálogo lúdico-educativo que axude a evidenciar ou poñer en cuestión valores e puntos de vista que sobre a arquitectura e o territorio temos interiorizados dende a infancia.

Confiamos plenamente na capacidade de Miguelanxo Prado de recrear espazos urbanos e rurais facilmente identificables por todos nós, guiados sempre por unha trama narrativa na que os diálogos dos personaxes deixan patente o sentimento e o pensamento das xentes do país, e esperamos que esta banda deseñada permita ao profesorado o traballo cos conceptos desenvolto no proxecto e que estes cheguen ao alumnado a través dun medio tan atractivo como para eles é a banda deseñada.

Xosé Manuel Rosales Noves
Coordinador do PROXECTOTERRA

A creación de materiais de ficción con fins didácticos é sempre empresa arriscada e, as máis das veces, remata no fracaso. Seguramente porque, antes que ningunha outra cousa, unha novela, unha película ou unha historieta teñen que ser xusto e máis ca nada iso: novela, película ou historieta e, cando no seu lugar atopamos un manual cheo de datos e conceptos para memorizar, sentímonos enganados. Este libro pretende ser unha banda deseñada e, logo, contando coa complicidade e o traballo *a posteriori* dos docentes, unha ferramenta na súa axuda para a reflexión arredor da realidade arquitectónica e urbanística do noso contorno.

Agardo, pois, que a súa lectura resulte estimulante e divertida.


Miguelanxo Prado

“A mansión dos Pampín”
Guión, debuxos e color: Miguelanxo Prado
Asistente de color: Víctor Galdón

© 2004 Miguelanxo Prado / Representado por NORMA Editorial S.A.
© 2004 Colexio Oficial de Arquitectos de Galicia pola edición en galego.

“PROXECTOTERRA”
Quintana 3 “Casa da Conga”
15704 Santiago de Compostela (Galicia / España)
Tel. +34 981 55 24 00
Fax +34 981 56 16 58
<http://www.coag.es/proxectoterra>
e-mail: proxectoterra@coag.es

Capítulo I



A VER! ESTADES LISTOS DUNHA VEZ?! NON QUERO QUE FAGAMOS ESPERAR Ó NOTARIO!

XA...



PENSAS QUE DEBERÍA PONER A GRAVATA NEGRA?

IMOS Ó NOTARIO, INDALECIO, NON A UN FUNERAL...



MULLER, NON SEI... EN SINAL DE RESPECTO POLA TÍA ISOLINA...

FAI O QUE CHE PETE... NON SEI PARA QUE ME PREGUNTAS SE LOGO NON ME FAS CASO.



VEÑA, NENOS, IMOS!

QUE PROSMAS...!

XAAAA...







NON ME DIGAS QUE NON TERIAMOS AFO-
RRADO TEMPO E DISCUSIÓNS SE O TIVE-
RAS METIDO AQUÍ DENDE O PRINCIPIO.

ISTO É INCONSTITUCIONAL! PAGO OS
MEUS IMPOSTOS E TEÑO DEREITO A
APARCAR O MEU COCHE NA RÚA!



TI CRES QUE VIRÁ A
TÚA CURMÁ AMALIA?

POIS NON SEI...
SUPONO QUE SI...



TENDO EN CONTA QUE SEMPRE
RENEGOU DA FAMILIA, MOITO ME
ESTRANARÍA QUE A TÍA ISOLI-
NA LLE TIVESE DEIXADO ALGO.



OS SRES. DE PAMPÍN? CHEGAN
TARDE... O SR. NOTARIO AGAR-
DA POR VOSTEDS. PASEN...

XA... O TRÁFICO...
APARCAR... XA SABE...



POIS TEN UN APARCADOIRO SUB-
TERRÁNEO XUSTO EN FRONTE...

Si... XA VIN...



DILLE O DE QUE É
INCONSTITUCIONAL...

BEN, AGORA QUE ESTAMOS TODOS, VOU DAR LECTURA ÁS DERRADEIRAS VONTADES DE DONA ISOLINA PAMPÍN BREA...



... QUEDANDO ESTABLECIDOS DOUS LOTES. O PRINCIPAL, COMPRENDENDO A TOTALIDADE DAS PROPIEDADES DA FINADA NO MUNICIPIO DE ANTELO...




E UN SEGUNDO, CON ALGUNHAS ADQUISICIÓNS FEITAS POLA DEVANDITA DONA ISOLINA NOS ÚLTIMOS ANOS.



DONA ISOLINA, SABEDORA DE QUE D. INDALECIO PAMPÍN, AQUÍ PRESENTE, GARDOU SEMPRE NO SEU CORAZÓN, DENDE OS DÍAS DA SÚA INFANCIA, A CASA DOS SEUS AVÓS, QUE ELA MESMA HERDOU...



E SABEDORA, TAMÉN, DO DESLEIXE E DESINTERESE DE DONA AMALIA PAMPÍN, AQUÍ PRESENTE, POR ESTES MESMOS BENS, DECIDE OUTORGAR A D. INDALECIO PAMPÍN A OPCIÓN PREFERENTE PARA ESCOLLER O LOTE QUE EL DESEXE.



A ESCOLLA DEBE SER FEITA NA MIÑA PRESENZA, NESTE MESMO MOMENTO E NON TERÁ POSIBILIDADES DE RETRACTO.





ISO DAS "ADQUISICIÓNS" SEGURO QUE SON COXÍNS E FIGURINAS DE PORCELANA, QUE XA LLE GUSTABAN DE MÁIS NOVA...



SI... NUNCA TIVO BO GUSTO. SEMPRE LLE FIXERON TILÍN AS QUINCALLAS... PERO, NON SEI...



XA ESTÁ DECIDIDO. QUEDO CO PRIMEIRO LOTE... RAZÓNS SENTIMENTAIS...

CLARO, CLARO... BEN, CONTINUO...



FEITA A ESCOLLA, PASAN A SER PROPIEDADE DE D. INDALECIO PAMPÍN A CASA FAMILIAR E A FINCA NA QUE ESTA SE ATOPA, ASÍ COMO OS ENSERES NELA CONTIDOS... QUEDAN, POR TANTO, PARA DONA AMALIA PAMPÍN...



...OS CINCO PISOS E AS SETE PRAZAS DE GARAXE QUE DONA ISOLINA POSUÍA NESTA CIDADE, QUE CONFORMABAN O SEGUNDO LOTE, REXEITADO POR D. INDALECIO. DOU FE. LISTO!



PISOS... PRAZAS DE GARAXE...?!!


E OS MONTES?
E AS FINCAS?



DONA ISOLINA FOI VENDENDO TODAS ESAS PROPIEDADES E COMPRANDO BENS INMOBLES NA CIDADE. DE FEITO, HABÍA CASE VINTE ANOS QUE ELA MESMA VIVÍA NUN DOS PISOS.

TIVO SEMPRE BO OLLLO PARA OS NEGOCIOS!





Capítulo II



XA VEREDES... A CASA É ENORME, MOI BONITA, CASE UN PAZO, CON MOITÍSIMOS CUARTOS...



E A FINCA...! QUE FINCA! INMENZA!! CHEA DE ÁRBORES... MESMO PASABA UN PEQUENO RÍO...




PODEREMOS BAÑARNOS NO RÍO? TEN TROITAS?

PODEMOS FACER UNHA PISCINA "NATURAL"!



SE CADRA... XA VEREMOS...





ERA... ERA MOITO MÁIS GRANDE... E MÁIS BONITA...



E A FINCA INMENSA? E AS MOREAS DE ÁRBORES? ESTÁS SEGURO DE QUE É ESTA...? NON TE TERÁS TRABUCADO?



CANDO ESTIVECHES AQUÍ POR ÚLTIMA VEZ?

CANDO TIÑA NOVE... NON... DEZ ANOS.



ISTO É UNHA MISERIA! UNHA RUÍNA!! NON ME ESTRAÑA QUE A VELLA FUXIRA DE AQUÍ!!



ATOPAMOS O RÍO!!



NON TODO É TAN MALO, VES?









MIÑA NAI,
QUE CAMBIADO
ESTA ISTO!



VÓS AGARDA-
DE NO COCHE.



BOS DÍAS... O SE-
ÑOR ALCALDE...?

SON EU. QUE SE
LLES OFRECE?



CHÁMOME INDALICIO
PAMPÍN... SON SO-
BRINO DE ISOLINA...

AH, ISOLINA A DOS
PICHÍS, QUE EN PAZ ES-
TEA! O MEU PÉSAME.



GRAZAS... A DOS... "PICHÍS", DIXO?

SI, HO! NA VOSA FAMILIA FOSTES SEMPRE
"OS PICHÍS", VAI TI A SABER POR QUÉ.



AH... BEN... EU... NÓS... O CASO É QUE
HERDAMOS A FINCA COA CASA, E...

E QUEREDS SABER QUE
SE PODE FACER AÍ, NON?





Capítulo III



POIS EU VÉXOO UN INVESTIMENTO MOI INTERESANTE, SR. PAMPÍN.



UNHA HIPOTECA POTENTE, BEN DOTADA... CLARO, TENDO EN CONTA QUE A CASA E A FINCA NESTE MOMENTO NON VALEN NADA, A GARANTÍA DEBERÁ INCLUIR O SEU PISO...



PORQUE O PISO NON ESTÁ HIPOTECADO, VERDADE?

NON O ESTÁ, NON...



E EN CANTO SAIRÍA O MES ESTE PRÉSTAMO?







AQUÍ HAI MOITOS CARTOS METIDOS, INDALECIO! PARA PAGAR TODO ISTO OS BENEFICIOS TEÑEN QUE SER BEN BOS...

DIN
DÓN



BOAS TARDES... SOMOS OS SRES. DE PAMPÍN. FALEI CO SR. PÉTEIRO ESTA MAÑÁ... QUEDAMOS EN PASAR POR AQUÍ...

AAH... POIS NON LLES ESTÁ EN CASA... SE QUEREN PASAR E AGARDAR POR EL... PERO NON LLES SABERÍA DICIR O QUE VAI TARDAR.



O MÁIS CERTO É QUE ESTEA NO BAR "IDEAL", BOTANDO A PARTIDA. PODEN ACHEGARSE POR ALÍ...

E POR ONDE VÉN CAENDO O BAR ESE...



"IDEAL"... NON TEN PERDA. ESTÁ NA PRAZA DA IGREXA, QUE XA A VEN UN POUCO MÁIS ADIANTE, A MAN DEREITA.

POIS IMOS VER SE O ATO- PAMOS. MOITAS GRAZAS.



QUE MODERNO ESTÁ TODO, VERDADE?

HOME, SE ME TRAEEN DE OLLOS PECHADOS E ME DEIXAN AQUÍ CASE PENSARÍA QUE ESTOU NALGÚN BARRIO DA CIDADE COMA O NOSO.




SI... SE NON FOSE POR ALGUNHA DESAS CASAS VELLAS, QUE DESENTOAN...



MIRA! ISTO SI QUE ESTÁ CASE IGUAL QUE CANDO EU VIÑA DE NENO!! XA NON ME LEMBRABA!

ALÍ ESTÁ O CAFÉ "IDEAL".



BOAS TARDÉS... DESCULPEN, SABEN SE O SR. PETEIRO ESTÁ POR AQUÍ?

SON EU... QUE DESEXAN?

SOMOS OS SRES. DE PAMPÍN...



AH, SI...! DESCULPEN, COMA NON QUEDARAMOS NUNHA HORA CONCRETA, VIN TOMAR UN CAFÉ. VEÑA, SEGUIDE SEN MIN, QUE TEÑO QUE FALAR CON ESTES SEÑORES.



QUE BONITA, ESTA PRACIÑA... EU VIÑA AQUÍ DE CATIVO, NOS VERÁNS...


ESTAMOS VENDO DE FACER UN "PARKIN" SUBTERRÁNEO.

PERO ENTÓN, A PRAZA...

MODERNIZÁMOLA! E OS SOLARES COLLERAN MÁIS VALOR.



CANDO NOS FAGAN O RAMAL DA AUTOVÍA, QUE XA O TEMOS PROMETIDO, AQUÍ VAI VIR VIVIR MOITA XENTE DA CIDADE. MOITO PROGRESO VAI SER!





ESTARÍA DISPOSTO A MERCARLLES A FINCA POR UN PREZO RAZOABLE. A CASA NON VALE UN PESO, PERO PODERÍA USALA DE ALMACÉN...



E SE ESTÁN INTERESADOS EN VIR VIVIR AQUÍ, QUE O ENTENDERÍA, CLARO, QUE XA VEN QUE ISTO VAI CAMIÑO DE SER UNHA METRÓPOLE, PODERÍA OFRECERLLES ALGÚN PISO OU UN APARTAMENTINO A BO PREZO.



DESCONTARÍALLES O DIÑEIRO DA FINCA E QUEDARÍALLES MOI APAÑADO O NEGOCIO.

E CANTO NOS DARÍA POLO NOSO?




TEÑO UN APARTAMENTO DE 70 M2 QUE PODERÍA DEIXARLLO EN... 60.000 BELLINES, PREZO DE AMIGOS. E POLA FINCA PODERÍA DARLLES... 6.000. ISO METENDO O APARTAMENTO NA OPERACIÓN. SE NON... 4.000, E PERDO MOITO DIÑEIRO.



4.000 BELLINES POR CASA E FINCA?!! É UNHA COÑA?!!


O QUE TEÑEN VDES., E PERDOEN QUE SEXA TAN FRANCO, É UNHA MISERIA. O QUE LLES OFREZO É DIÑEIRO DE MÁIS. PÉNSENO.



E A TÚA CURMÁ AMALIA PODRE DE CARTOS CON PISOS E PRAZAS DE GARAXE A ESGALLA!! SE CHEGAS A SER MÁIS PARVO REMATAMOS POÑENDO DIÑEIRO NÓS!!



Capítulo IV



BOS DÍAS, INDALECIO. MOI-
TA MOVIDA TES NA FINCA...

ESTOUM AMAÑANDO UN POUCO. LIMPAR E
FRESAR A TERRA, E MENTRES EU VOU IR FA-
CENDO UN CASETO PARA AS FERRAMENTAS...

E UN PECHÉ DE DÚAS RINGLEIRAS DE
BLOQUES. POR PASAR O TEMPO...

E XA DECIDISTES ALGO
RESPECTO DA CASA?



POIS NON. AÍNDA ESTAMOS PENSANDO.

HOME, HAI UNHAS SUBVENCIÓNS PIS-
TONUDAS PARA A REHABILITACIÓN
DE CASAS TRADICIONAIS. EU MES-
MO PEDÍN UNHA E AMAÑEI A CASA.

É AQUELA DE ALÓ... A DO TELLADO DE
LOUSA COA PARABÓLICA AMARELA.

PERO... ISO É UNHA
CASA "TRADICIONAL"?

HOME, AQUÍ NON, PERO SON AS QUE
FAI PÊTEIRO, O CONSTRUTOR. SE CA-
DRA SON TRADICIONAIS EN SUÍZA, QUE
É ONDE ESTIVO EL EMIGRADO...







PROXECTOS TÉCNICOS!! E ESTE, EN CANTO EU MARCHO, PARA DE TRABALLAR!! PAÍS DE MANGANTES, CAGHO NO DEMO!!



EH, XEFE! VEÑA VER O QUE ATOPEI!!




UN MURO DE PEDRA VELLO SOTERRADO. POIS MOI BEN. QUE TEN DE ESPECIAL? A VER SE TAMÉN VOU TER QUE PAGAR POR EL.

ISTO TEN TODA A PINTA DE SER UN CASTRO.



UN CASTRO? DAQUELES ANTIGOS...?

DOS CELTAS, SI SEÑOR!



MESMO AS VECES TENEN TESOUROS AGOCHADOS!!






PENSABADES QUE ISTO DO HERDO ERA UNHA MISERIA, NON SI? UNHA CASA VELLA E UNHA FINCA DE MERDA, VERDADE?!



POIS ESTADES MOI, PERO QUE MOI EQUIVOCADOS!!!



NON IMOS SABER QUE FACER COS CARTOS!



ATOPACHES PETRÓLEO?!!



UN CASTRO CELTA!! NA NOSA FINCA HAI UN CASTRO CELTA!! É O MÁIS SEGURO É QUE TENA UN TESOURO SOTERRADO!! VIRÁN DO MUNDO ENTEIRO A VELO, COMA AS PIRÁMIDES!!



MAÑÁ MESMO IREI A SANTIAGO PARA VER COMO SE FAN ESTAS COUSAS.



CONCHA? ESTOU SAÍDO DUN MUSEO... NON TE IMAXINAS QUE COUSAS HAI NOS CASTROS!



ESTÁN CHEOS DE COUSAS DE OURO!! IMOS SER TAN RICOS QUE ESTOU MEDIO MAREADO! AGORA VOU À XUNTA, A INFORMARME. DESPOIS CÓNTOCHE.



ASÍ QUE ATOPOU UN CASTRO CELTA NA SÚA FINCA...

SI SEÑOR. E QUERÍA SABER QUE É O QUE SE FAI AGORA. SE ME VAN DAR DIÑEIRO, A QUEN LLE VENDO O TESOURO... ESAS COUSAS.



E A VDE. QUEN LLE DIXO QUE O QUE TEN NA FINCA É UN CASTRO? UN ARQUEÓLOGO?

EHHH... NON... FOI... O TRACTORISTA.



PERO DARÁN UNS DINEIROS, NON?
OU COMPRARÁN A FINCA...

NIN UN CAN.



ADEMAIS, CADA VEZ, NESTAS COUSAS, HAI
MÁIS DIRECTIVAS DE BRUXELAS, LEXISLACIÓN
DA UNIÓN EUROPEA... SE CADRA PO-
DERÍA CHEGAR A HABER ALGÚN TIPO DE AXU-
DAS, PERO NUNCA LLE IAN COMPENSAR.




AQUÍ ENTRE NÓS, SE QUERE UN CON-
SELLO PERSOAL, TAPE TODO, CALE
A BOCA E ESQUEZASE DO ASUNTO.




SE CASTROS HAI
A ESGALLA!!



CONCHA? QUE NADA... QUE
SON TODO PROBLEMAS...
CULPA DA UNIÓN EUROPEA...



Capítulo V



A MIN SEGUÍAME A FACER CHIS-
TE O DE AMAÑAR A CASA...

PERO SE XA CHE
DIXERON QUE DE
AXUDAS, NIN UN CAN!



VEÑA, SON ESTES... ¡MOS VELOS.

NON DICÍAS QUE
NON DESVARIABAS?



CREO QUE AÍNDA QUE HOUBERA O
TESOURO NO CASTRO DA FINCA NON
PODERIAMOS MERCAR AQUÍ UN PISO.



NÓS XA TERIAMOS QUE PEDIR
UNHA HIPOTECA SÓ PARA PAGAR
OS GASTOS DE COMUNIDADE!!





ÉSTES TAMÉN SON BONITOS, PERO MENOS LUXOSOS... XA VERÁS COMO O PREZO É TAMÉN MÁIS ALCANZABLE...



HABERÍA QUE HERDAR 6 OU 7 VECES!

SE CADRA TEMOS QUE ESQUECER O DE VIVIR NO CENTRO...



POR AQUÍ ESTÁN A FACER TAMÉN PISOS MOI MODERNOS... E SEGURO QUE NON VAN SER TAN CAROS.



TAMÉN PODIAMOS QUEDAR CO PISO, QUE TAN MAL NON ESTÁ, E TER A CASA DA ALDEA PARA AS VACACIÓNS E AS FINS DE SEMANA...



PERO HOME, NON ESTÁS FARTO DE NON ATOPAR ONDE APARCAR, DO ASCENSOR ESTRAGADO CADA DÚAS SEMANAS, DO CHEIRO A FRITIDOS DO TERCEIRO...?

SI... VISTO ASÍ...



MÁIS BARATOS QUE OS OUTROS SI SON... CUN POUCO DE SORTE PODERÍAMOS REMATAR DE PAGALO ANTES DE MORRER...



NON DESESPEREMOS. AGORA O QUE FAI A XENTE É MARCHAR PARA URBANIZACIÓNS DE EMPARELLADOS.



O BO DE VIVIR FÓRA DA CIDADE, PERO COAS VAN-TAXES DA "CIVILIZACIÓN"...

SEMELLAS UNHA VENDEDORA, CONCHA.





A ESTE PASO, COMO MOITO, PINTAMOS O PISO E CAMBIAMOS A CISTERNA QUE FAI RUÍDO...

VISITE O NOSO
CHALET
PILOTO



NON, CONCHA, PARA VIVIR NUN PISO PEQUENO, QUEDAMOS NO QUE ESTAMOS. NON A 25 KM...





BOAS TARDDES,
SR. PETEIRO.

HOME, "PICHÍS"... EMMM... SRES. PAMPÍN! QUE
SORPRESA! SENTEN... QUEREN TOMAR ALGO?

NON, GRACIAS...



E QUE, VISITANDO
AS "PROPIEDADES"?

EN REALIDADE VIÑEMOS FALAR CON
VDE.. ESTIVEMOS PENSANDO E... SE SE-
GUE INTERESADO EN COMPRAR...



HOME, INTERESADO, O QUE SE DI INTERESADO...
A MIÑA OFERTA XA A COÑECEN... É MÁIS POR
FACERLLES UN FAVOR QUE POR NEGOCIAR.



XA... O CASO É QUE... O QUE NOS OFRE-
CEU... PARÉCENOS UN POUCO... POUCO.



POIS A COUSA ESTÁ DIFÍCIL. ESTOU SEGURO
QUE NON VAN ATOPAR NINGÚN TOLO QUE
LLES DEA MÁIS DO QUE EU LLES OFREZO.


HOME, VDE. MESMO
DIXO QUE ALGÚN SERVI-
ZO LLE PODERÍA TIRAR Á
CASA COMA ALMACÉN...

AI, MIÑA NAI! VDE. É UN NEGOCIANTE DURÍSMO, PAMPÍN! COMO MO SAIBA A MULLER, MÁTAME, PERO VOULLE FACER A OFERTA DERRADEIRA, E DE AÍ NON SUBO...



NON ESTÁ MAL, NON, CONCHA? 8.000! DOBROU A OFERTA!

SI... NON SEI...



HOME, SRES. PAMPÍN, QUE SORPRESA!

BOAS TARDES, SR. ALCALDE.



QUE, RESOLVERON XA QUE FACER COA CASA?

POIS... VIMOS PRECISAMENTE DE FALAR CO SR. PETEIRO... ANDAMOS VENDO DE VENDERLLE... DISCUTINDO O PREZO.



AH, SI? POIS EU TIÑA QUE FALAR CON VDE... XA SEI QUE O OUTRO DÍA TIVO UN PEQUENO... "CONTRATEMPO" COAS FORZAS DE ORDE PÚBLICO...

EHHH... SI... BEN, A VERDADE É QUE...




NADA, HOME, NON SE PREOCUPE. ELES CUMPREN CO SEU DEBER, CLARO, PERO PARA ISO ESTAMOS AS "ALTAS INSTANCIAS", NON? BEN SEI EU QUE NON ERA A SÚA INTENCIÓN INFRINXIR A LEI.





Capítulo VI



A VER! ESTADES LISTOS DUNHA VEZ?! NON QUERO COLLER A ESTRADA ATEIGADA!

Xa...



PENSAS QUE DEBERÍA POÑER PANTALÓNS LONGOS PARA IR NO COCHE?

IMOS DE VACACIÓNS, INDALECIO, NON Ó NOTARIO... LEVA O QUE CHE SEXA MÁIS CÓMODO.



MULLER, NON SEI... IMAXINA QUE HAI ALGÚN CONTROL DA POLICÍA... IR COAS PERNAS Ó AIRE...

FAI O QUE CHE PETE... NON SEI PARA QUE ME PREGUNTAS SE LOGO NON ME FAS CASO.



VEÑA, NENOS, IMOS!

XAAAA...

QUE PROSMAS!



SAÍMOS TARDÍSIMO!! AGORA VAI ESTAR O TRÁFICO IMPOSIBLE!!



CLARO, COMO AQUÍ NINGUÉN FAI CASO DO QUE EU DIGO! IMOS CHEGAR ÀS TANTAS!



POR CERTO, NON POÑERÍAS O MALETÍN VERDE ARRIBA, NA BACA?

POR QUE?! NON MEMORIZO ONDE VAI CADA MALETA!!



POIS É O QUE LEVA OS MEDICAMENTOS! VAN RECOGER!!


POIS LEVÁRALOS DA TÚA MAN! EU BASTANTE FIXEN CON CARGAR CON TODO, QUE AÍ, O TEU FILLO, NON COLLEU NIN UNHA BOLSA.



ISO NON É CERTO, QUE TROUXEN OS MEUS "GUOLMAN"!!



MIRA! COS TREBELLOS ESES AS COUSAS VAN BEN MÁIS CURIOSINAS E DISCRETAS QUE COA BACA...





DESDE LOGO, ALCALDE, MIRA QUE LEVARME 72.000 BELLINES POR ISTO...! TES DELITO! E EU MÁIS POR PAGARCHOS!



10.800 QUE LLES DECHES ÓS "PICHÍS"... NON ESTÁ MAL O "BENEFICIO"!

QUE DIS! SE, Ó CABO, TIVEN QUE REDONDEARLLES OS 12.000, QUE ELA NON PARABA DE QUEIXARSE!



E NON TE LAIES, QUE BEN QUE CHE RECALIFIQUEI URBANO TODO O LOTE!



XEFE, QUE FACEMOS LOGO CO CASTRO DE MARRAS?

AMOREADE AS PEDRAS, QUE XA VEREMOS DE FACER POR ALGURES UN MURO.







VAIA VACACIÓNS, EH, CONCHA? Ó FINAL, NON ESTIVO MAL O HERDO DA TÍA ISOLINA...



NON ME LEMBRES O ASUNTO, QUE PENSO NO QUE LEVOU A TÚA CURMÁ AMALIA E DANME SUFOCOS!

PERO NÓS TAMÉN LLE SA-CAMOS O NOSO PROVEITO... PISO NOVO, VACACIÓNS...



POIS MENOS MAL QUE FUN EU QUEN ACORDOU O PREZO FINAL CO ALCALDE, QUE SE CHEGA A SER POR TI QUEDAMOS SEN VERANEO.



QUE ESTABAS DISPOSTO A VENDERLE SEN REGATEAR NADA!

MULLER, VENDO QUE A FINCA E A CASA NON VALÍAN A PENAS, DÁBAME NON SEI QUE...



XA! PERO SE NON FORA POLOS 1200 BELLINES QUE LLE SAQUEI A MAIORES NON HABÍA VERANEO NA COSTA!

ISO SI QUE CHO RECOÑEZO.



Ó FINAL NON É MAL TIPO, O ALCALDE... DEUNOS BEN MÁIS DO QUE OFRECÍA O LERCHO DE PETEIRO, O CONSTRUTOR.



POR CERTO, FALANDO DE CARTOS... XA QUE ANDADES COA ECONOMÍA "SANEADA" PODIASES MERCARME A MOTO...

E A MIN O EQUIPO DE MÚSICA...



XA EMPEZAMOS?! TÚA IRMÁ AÍNDA TEN UN PASE, PERO TI SUSPENDICHES CATRO, BABECO!!



SE AS APROBO EN SETEMBRO, COMPRÁDESMA?!

TI APRÓBAAS E LOGO FALAMOS...



VAS APROBAR MOITO, CON TANTO COMO ESTUDAS...!

POIS CLARO QUE ESTUDIO. HOXE ESTIVEN ESTUDANDO ATA QUE VIÑEMOS PARA A PRAIA!



PERO SE TI ERGUICHESTE PASADAS AS 11 E VIÑESTES PARA A PRAIA ÁS 12! SE LLE DESCANTAMOS O QUE CHE LEVOU ALMORZAR E VESTIR...



TAMÉN TENO QUE DESCANSAR, NON? ESTAMOS DE VACACIONS!



